

Pagdumala sa Teknolohiya

Seksiyon 1. Maalamong paggahin og panahon sa teknolohiya

Sa Doktrina ug mga Pakigsaad, gigamit sa Ginoo ang terminong “matinguhaon nga moapil” ug “pag-usik.”

- Unsa kahay ipasabot niining mga terminoha?

Basaha ang mosunod nga mga kasulatan ug pamalandongi kon unsay gitudlo sa Ginoo bahin sa matinguhaong pag-apil ug pagkatapulan: Doktrina ug mga Pakigsaad 58:27–28; 60:13; 68:31; 75:3.

- Unsaon nimo pag-summarize sa unsay gitudlo sa Ginoo?

(Uban sa pipila ka kamatuoran, mailhan tingali nimo ang usa ka butang nga sama sa mosunod: Gitinguha sa Ginoo nga matinguhaon kitang moapil sa pagbuhat og maayo ug dili mag-usik-usik sa atong panahon.)

- Unsaon nato pag-ila nga giusikan na nato ang atong panahon sa paggamit og teknolohiya?

Tun-i ang mosunod nga pahayag, nga mangita sa mga panglantaw kon unsaon paggamit sa teknolohiya sa maalamong paagi.

Si Elder David A. Bednar sa Korum sa Napulog Duha ka Apostoles mitudlo:



Ang bata-bataon o wala magiyahi nga [indibidwal] mahimong mogahin og daghang mga oras sa pagdula og mga video game, mag-chat online, o sa bisan unsang mga pamaagi nga nagtugot sa digital nga mga butang nga mopatigbabaw sa mga butang ingon nga sila gayud mao. Sa sinugdanan ang paggahin og oras daw dili makadaot, morason nga nagkinahanglan og pipila lamang ka minutos sa pagpahulay gikan sa kakapoy sa usa ka puno sa iskedyul matag adlaw. Apan ang importanting mga oportunidad ang nawala alang sa pagpalambo og kahanas sa pagpakig-uban sa mga tawo. . . . Sa ngadto-ngadto, ang daw limpyo nga kalingawan mahimong usa ka porma sa makadaut nga pagkabihag. (David A. Bednar, “Mga Butang Ingon nga Sila Gayud Mao,” *Liahona*, Hunyo 2010, 21)

- Unsay mga rason nga gamiton sa mga tawo aron pamatud-an ang pag-usik og panahon sa paggamit og teknolohiya?
- Unsay nakatabang nimo aron malikayan ang pag-usik og panahon sa paggamit og teknolohiya?
- Unsaon nimo pagpaapil sa Ginoo sa imong mga paningkamot nga gamiton ang teknolohiya sa maalamong paagi?

Seksiyon 2. Pagpili og maayong media

- Unsay mga pagpili og media ang kanunay nimong himoon?

- Unsay gitudlo kanimo sa imong mga kasinatian nga makatabang aron magpabilin kang duol sa Langitnong Amahan ug kang Jesukristo samtang nagpili ka og media?

Basaha ang Doktrina ug mga Pakigsaad 50:23–24; Mga Artikulo sa Hugot nga Pagtuo 1:13; ug Moroni 7:12–17, nga mangita sa mga kamatuoran nga makatabang nato sa paghukom sa maayo ug sa daotan.

- Unsay mga kamatuoran ang imong nakita niini nga mga bersikulo?

(Uban sa pipila ka kamatuoran, mailhan tingali nimo ang usa ka butang nga sama sa mosunod: Kadtong makapalig-on ug makapadani sa pagbuhat ug maayo nagagikan sa Dios.)

- Unsay mga benepisyo sa paggamit niini nga kamatuoran dihang mipili ka kon unsa nga media ang gamiton?

Gidapit kita ni Elder David A. Bednar nga pangutan-on ang atong kaugalingon sa mosunod nga pangutana bahin sa media nga atong gigamit:



Ang paggamit ba sa nagkalain-laing teknolohiya ug media makadapit o makapugong sa makanunayong pagpakig-uban sa Espiritu Santo sa inyong kinabuhi? (David A. Bednar, “Mga Butang Ingon nga Sila Gayud Mao,” *Liahona*, Hunyo 2010, 23)

- Unsaon nimo pagdapit ang Espiritu Santo samtang mamili ka og media?
- Unsay makatabang aron malikayan nimo ang klase sa media nga makapalayo nimo sa Manluluwas?